

Tom. 1. 15. 16.  
fol. 144 a.

Der Actus und hendlung  
der Degradation und ver-  
prennung der Christlichen  
dreyen Ritter und Her-  
terer Augustiner Or-  
dens geschehen zu  
Brussel.

Anno M. D. xxiij.  
Prima Julij.

*Diese historia gehört in 2 Bänden, Tom. 1. 15. 16.  
zu den Acten, so man dieses mächtig hat fürgefallen,  
verleihen zu lassen, und fol. 270.*

Wie die Christlichen drey Ritter vñ Martyrer/ Augusti-  
ner ordens/ habē vmb der Euangelischen warheit willen  
semerlichen ( doch frolich vnd willig ) mit grossen danck/  
sagungen/ Gott yren geyst auff geben. 7c.

**E**s seindt von den monchen Augustiner ordens/ so zu  
Anttorff vertrieben sein/ drey der selbigē yn vil orten  
gefangen gewest/ vmb christlicher warheit willen/ ynenn  
etliche artickel furgeworffen/ die zu widerruffenn/ aber y  
keiner das zuthun bewilligt. Nun haben andere munche  
vnd geystliche so vil durchs Belt mit den Regenten gehan-  
delt/ auch geben dem Papst/ das einn mandat von Rom  
kommen ist/ darin der Papst alle die/ so auff dissē meinung  
sein/ verurteilt hat/ die selben zuuerprennen. Auff sollichs  
haben die am Hoff zu Brussel die munch fur Recht lassen  
bringen/ vnd ynen furgehalten etliche artickel/ die sie wi-  
derruffen sollen/ vnder diesen zween am meysten berurt/  
Das der Papst nicht macht hab/ eynem seine sund zuuer-  
geben/ zupinden/ oder entpinden/ sonder allein Gott/ dan  
der Papst sey als wol einn sundlich mensch/ als anndere  
menschen vnd hab nit mer macht/ den ein ander priester  
Vnd sunst die ander Euangelischen artickel haben sie alle  
sollen widerruffen. Do seindt sie gestanden/ vnd habenn  
gesagt/ neyn sye wollenn Gottes wort nit verlaugnen son-  
der sy wollen vil lieber vmb Christlichs glawbens willen  
sterben. Do hat man ynen gesagt. Sye müssen verprennen  
Des seindt sye gancz Willig gewest/ vnd gesagt. Sye sein  
froe/ das ynenn Gott die genade gebenn hab das sie vmb  
Christliches glawbens willen sterben sollen. Do ist eyner  
vnder den dreyenn gewest/ der hat. iij. tag fryst gebetten/  
sich zubedencken zu wyderruffen/ oder nit. Den hat man  
wider ynn die gefengtnys gefurt.

Dye zween haben sie genommen/ vnd ynen alle Fleyder als  
solten sie abesz gehalten haben angelegt/ vnd allda einen  
Altar auff gericht/ dabey seind Bischoff/ vnd ander geys-  
tliche Prelaten gewest/ haben da den zweyen Abunchen

06/04/148



Die weyhe abgenom̃en vnd ynen andere kleyder/ dē iungst  
ten eynen Gelben/ dem andern einen Schwarzen rock  
angethon/ vnd darnach dem gericht zu Brussel vberant  
wort/ dar nach die selben/ Frauen Margarethen Kethen  
vberantwort/ die habens genom̃en/ vnd dem hengker an  
stricken gebē. Da seind vier Beychuetter mit ynen gangen  
das seind gewesen der Keczerneyster vonn Coln Prediger  
ordens/ vñ eyn frauenbruder munch von Brussel/ vñ sunst  
ander zwen munch/ dysē vier seind neben ynenn gangen/  
inen vill zugereth/ sy sollens widerrufen. Sagten sy vñnd  
lobten Gott/ das er inen die gnad gebenn het/ vmb seynes  
worts willen zusterbē. Als sie nun zum feur kommē seind/  
haben die vier Beichtueter gewaynet/ da haben diese zwē  
gesagt/ sy durffen nit vmb sy weinen/ sonder vber ire sund/  
Sagten weyter/ weinent vber das groß vnrecht/ so yr die  
Gottliche gerechtigkeit also veruolgt. Vñnd seind damit  
gantz frolich mit lachendem mund ins feur gangē. Do  
man inen die rock hat auß gezogen/ hat eyner den andern  
fast wol getrost/ vñnd seind miteinander ins feur gangen.  
Do habē die beichtueter sy noch eyns gefragt/ ob sy noch  
nit in den Christlichen glauben wolten/ Sagten sy. wyr  
glauben in Got/ auch in ein Christliche Kyrch. Aber ewer  
Kirchen glauben wir nit/ vñnd seind also woll ein halbe  
stund im holz gestanden/ biß man das hat angezunt/ die  
weyl habē sy stetigs gesagt/ sy wollē yn dem namē Christi  
sterben. Da haben die vier Beichtueter ynen zugeschrieē/  
sy sollen sich bekeren/ aber sy faren zum teuffel/ vñ sie wer  
den yn des Teuffels namen sterben. Do sagten die zwen/  
sy wolten vmb der Euangelischen warheyt willen sterbē/  
als frome Christē. Darnach hat man das feur angezūt/  
haben sy anders nit geschrieen. Domie/ dñe/ Deyn Sunn  
Dauid erbarm dich vnser/ vñnd die strick vñ yre leib seind  
ee verbrendt ee sye erstickt seind. Do ist der cyn aller erst yñ  
feur auff die knye gefallen die hendt zusamen gelegt vñ  
geschrie. Herze Jesu ein Sun Dauid erbarme dich vnser.  
Darnach seind sye beyde verschiden vñnd gar zu puluer ver  
prent. Dyser Actus hat bey vier stunden gewert.

Darnach auff den dritten tag/hat man den dritten munn-  
ch/der im einn bedacht genomen hat/ auch verprent/  
vnd mit im gehandelt wie mitt den andern/ der ist  
fast ein gelert man gewesen/hat er bey dem holcz/  
hauffen einn lange Predig gethan. Vnd ist  
darnach an die marter gangen. Vnd  
do sye das fewer angeczunt habē/  
hat er noch gepredigt byß das  
fewer vnd flamm vber in auß/  
geschlagen hatt/vnnd ist  
auch also seligklichen  
yn Got verschiden.

iii

Historische  
Stadtbibliothek  
MÜNCHEN